



Patrick Mun sa dobitnicima priznanja  
FOTO: N. UGIJEŠA



**FBI zahvalio na saradnji tokom istrage i procesuiranja terorističkog napada na Ambasadu SAD u Sarajevu**

# Priznanja za osam institucija i pojedinaca

**Podrška:**  
**Bili smo ohrabreni podrškom koju smo dobili od bh. lidera neposredno nakon napada i snažnom podrškom i saradnjom dvije zemlje, rekao Mun**

Maja RENER-SMAJLOVIĆ

SARAJEVO - Patrick Mun, ambasador SAD u BiH, uručio je u petak pojedincima i institucijama BiH priznanja FBI-ja za izuzetnu saradnju tokom istrage i procesuiranja počinioca terorističkog napada na Ambasadu SAD u Sarajevu, oktobra 2011. godine.

Priznanja su u petak dobili pripadnici Tužilaštva BiH i Državne agencije za istrage i zaštitu (SIPA), te istražitelj FBI-ja u Sarajevu.

Mun je rekao da mu je drago što može odati priznanje nekim od najbližih partnera u BiH, te da su bili ohrabreni podrškom koju su dobili od bh. lidera neposredno nakon napada i snažnom podrškom i saradnjom dvije zemlje.

"Bilo je posebno zadovoljstvo vidjeti funkcionisanje bh.

## Stalne prijetnje

Patrick Mun, ambasador SAD u BiH, rekao je da je bombaški napad na bostonski maraton početkom sedmice podsjetnik na stalne prijetnje sa kojima su suočeni u cijelom svijetu. "Svi su izloženi riziku od napada i on se može dogoditi na svakom mjestu svakome. Samikroz snažnu unutarnju i međunarodnu saradnju zemalja moraćemo se suočiti sa ovim prijetnjama i prevazići ih", naglasio je Mun. Zahvalio je prijateljima i građanima koji su izrazili podršku na dan napada i koji to i dalje čine.

institucija i njihovu saradnju sa institucijama SAD neposredno nakon napada. Naše partnerstvo i saradnja sa BiH su snažni i snažniji nego prije 18 mjeseci. Ovdje smo danas da odamo priznanje i iskazemo iskrenu zahvalnost agencijama i pojedincima koji su dali doprinos tokom istrage i procesuiranja ovog predmeta. Zadovoljni smo uspješnom saradnjom snaga za

provedbu zakona i izuzetnim pomogom koje je obavilo tužilaštvo BiH, što je rezultiralo presudom i terorizam", kazao je Mun.

U ime Tužilaštva BiH priznanje je primio Goran Salihović,

**Kazna**  
**Mevlid Jašarević**  
**osuđen na 18**  
**godina zatvora**



Mevlid Jašarević

glavni državni tužilac, a u ime SIPA Goran Zubac, direktor ove institucije.

Individualne nagrade dobili su Dubravko Čampara, tužilac Tužilaštva BiH, koji je bio glavni tužilac u slučaju "Jašarević", Adna Dohodžić-Učoglan i Mirsad Crnovršanić, pomoćnici tužioca, te Mujo Selimović, istražitelj u Tužilaštvu BiH.

Nagrade su dobili i Amer

Veiz, v.d. šefa Odjeljenja za borbu protiv terorizma SIPA, te Igor Rapić, istražitelj FBI-ja u Ambasadi SAD u Sarajevu.

Za ovaj napad prošle godine je prvostepenom presudom na 18 godina zatvora osuđen Mevlid Jašarević, koji je 28. oktobra 2011. godine pucao na zgradu Ambasade SAD. Njegov "pohod" je trajao 50 minuta tokom kojih je ispalio 105 metaka iz automatske puške. U napadu je ranjen policajac Mirsad Velić i oštećena zgrada Ambasade, pri čemu je napravljena šteta od oko 100.000 dolara. Jašarevića je u jednom trenutku pogodio i onespособio snajperista MUP-a Kantona Sarajevo. I američko ministarstvo pravosuđa je, također, podiglo optužnicu protiv Jašarevića, koja se sastoji od deset tačaka. Ako bi bio optužen po svim tačkama, Jašarević bi dobio više od 100 godina zatvora.